



Inatsisartuni ilaasortaq, Aqqaluaq B. Egede, Inuit Ataqaqitiit
/Maani

**Inissiat akikitsut pillugit § 37 naapertorlugu apeqquteqaammut 2020-056-imut
akissut**

19-03-2020
Suliaq nr.: 2020 - 4925
Id nr.: 51200379

Asasara Aqqaluaq

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Inatsisartut suleriaasianni § 37 naapertorlugu inissiat attartortittakkat pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

**Apeqqu 1: Naalakkersuisut inissianik sanaartoriutsinik piareersimasuutitaqarp
inissiat akinik appasissunik atugassaqaqartitsisut pissakinnernut
naapertuussakkanik sanaartoriaannaanermik qulakkeerinnittunik?**

Akissut: Aap, Naalakkersuisut inissialiortiternissamut malitaqarput, maannarpiarlu illoqarfinni arlalinni malitassat taakku malillugit sanaartortoqarpoq sanaartornissamillu pilersaarusiortoqarluni.

**a. Aappiuppat; kvm akinik agguaqatigiissitsineq qanoq
annertussusilerneqarsimava, qaammammullu kvm qanoq ineqarnermut
missingiussisoqarsimava?**

Akissut: Inissiat, ukiuni kingullerni Naalakkersuisunit sanaartorneqartut aammalu maannarpiarq sananeqartut sananeqarnerminni agguaqatigiissillugit m²-mut 23.000 koruuninik akeqarput. Inissianut taakkununga inissiamut marlunnik initalimmut ineqarnermut aningaasartuutit qaammammut 3.900 koruuniupput, inissiamut pingasunik initalimmut ineqarnermut aningaasartuutit qaammammut 4.900 koruuniupput aammalu inissiamut sisamanik initalimmut ineqarnermut aningaasartuutit qaammammut 5.900 koruuniullutik. Ineqarnermut aningaasartuutinut imermik kiassanermillu atuinermut akiliutit akianut ilanngullugit naatsorsorneqarput.

**b. Naamiuppat; misilittakkat aallaavigalugit konceptillortitsinerme akit qanoq
isikkoqarp?**

Akissut: Naalakkersuisut inissialiortiternissamut malitaqarput, takuuk apeqqu 1-imut 1a-mullu akissut.

**Apeqqu 2: Ilinniartut inissiaat pillugit iliusissatut pilersaarut 2019-imeersumi
ilinniartut inissiaat 1.119-inik siniffissallit 1,2 mia.kr. missaani akeqassat
naatsorsuutigineqarput. Aningaasartuutaasut eqqarsaatigalugit piviusorsiorpa
inissiat 1000-it sananeqarneranut ilinniartut inaasa 1.119-nik siniffissallit 1,2 mia.
kr. nalignut sananeqartussanut sanilliussissalluni?**

Akissut: Naagga, tamanna piviusorsiuungilaq. Ilinniartunut inissiani siniffissat naatsorsorneqartarneri ineqarnermik pisariaqartitsineramik naatsorsuinermut assersuunneqarsinnaangilaq.

Apeqqu 3: Naalackersuisut immikkut ittumik pisortat inissianik akinik appassisunik atugassaqartitsisunik sanaartornissaminnut pilersaaruteqarpat?

Akissut: Ineqarnermut pilersaarutit 2020-mut Aningaasanut Inatsimmi kontomi pingaarnermi 89.72.12 Inissialiassat taartissanillu inissialiortiterneq allassimapput. Ineqarnermi sanaartorneqartut kiisalu maanna pilersaarusiorneqartut suunersut allassimapput. Kiisalu aningaasanut inatsimmi sanaartugassat allattorsimaffiat, sulianik maanna ingerlasunik takutitsiviusoq innersuussutigisinnaavara.

Apeqqu 4: Naalackersuisut inissialiortermeri maleruagassat ullumikkut pissutsit aallaavigalugit nutarsarneqarnissaanik pilersaaruteqarpat?

Akissut: Illuliornermut malittarisassat nutaat, 1. Januar 2021 aallarnerfigalugu atuutilersussat ukioq manna saqqummernissaat naatsorsuutigineqarpoq.

Apeqqu 5: Naalackersuisut inissiat pioreersut aqunneqarnerat, aqunneqarneratalu aaqqissugaanera pillugu nutarterinissaminnik pilersaaruteqarpat?

Akissut: Naalackersuinikkut Ataqtigiissaarisooqatigiit, Naalackersuisunit aamma nunatsinni borgmesterinit ilaasortaaffigineqartut, 4. marts 2020-mi ataatsimiikkamik isumaqatigiipput, Namminersorlutik Oqartussat inissiaataat attartortittakkat kommuninut tunniunneqassappata, inissiat ataatsimoortillugit ataatsikkut kommuninut tamanut tunniunneqartariaqassasut. Tamatuma 1. januar 2022-mi pinissaa isumaqatigiissutigineqarpoq, pisortat ataatsimoorlutik suleqatigiissitaata inassuteqaatai aallaavigineqassallutik.

Apeqqu 6: Naalackersuisut pisortat inissialiortiternernut tunngasumik allamik eqqaasassaqarpat?

Akissut: Erseqqissaatigissavara, suliassani aningaasaqarneq ataatsimoortoq aallaavigalugu Naalackersuisut inissialiortitermata. Tamatumani ineqarnermut akiliutit akilerneqarsinnaasut atorlugit neqerooruteqarsinnaanissaq, tamatumalu illup ukiuni 80-100-ni atorneqarnera tamakkerlugu allanngorannginnissaa qulakkeerniarneqarpoq. Tamatumunnga peqatigitillugu illut sananeqartut, siunissami illu atorneqarnerata sinnera tamakkerlugu aningaasartuutaasa ikinnerpaatinnissaat aallaavigalugu sananeqarnissaat pingaaruteqarpoq. Tassalu illunik akikitsunik sanasoqassappat, imaanngilaq allanngoranngitsunik akilerneqarsinnaasunillu, soorlu kiassarnermut appassisunik aningaasartuuteqarfiusunik ineqarnermut akiliuteqartitsisoqartassasoq.

Kiisalu illuliornermut malitassani illulioriternerit najugaqavissunit suliarineqartarnissaanik, aammalu najukkami illuliornermi atorussanik atuilluni sanaartornissamik Naalackersuisut anguniagaqarnerisa sapinngisamik naammassineqarsinnaanissaa Naalackersuisunit pingaartinneqarpoq. Tassalu betoninik

katitigassanik, kalaallit akussatut atortussaataat atorlugit najukkami sanaartortoqassaaq.

Inussiarnersumik inuulluaqqusillunga



Karl Frederik Danielsen